



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Cvsentino Archiepiscopo & Episcopo Marturanensi.

**urn:nbn:de:hbz:466:1-20020**

parochialis Ecclesiae retinere, cùm sæpe  
sit talis locus incultus de quo parochialis  
Ecclesia magnos percipit decimorum ra-  
tione proventus. Datum Viterbij XI.  
Kal. Septembris, anno decimo.

latione remota inviolabiliter observari.  
Datum Viterbij XII. Kal. Septembris,  
anno decimo.

CVS ENTINO ARCHIEPISCOPO  
& Episcopo Marturaneus.

ABBATI CISTERCIENSI ET PETRO  
de Castro novo apostolica sedis Legatis.

*Epist. 111.*  
Ad quem perti-  
neat dominum  
urbis Massi-  
lienfis.

**S**Ignificantे venerabili fratre nostro  
Arelatensi Archiepiscopo cum mul-  
tis Episcopis ad nostram noveritis audi-  
tiā p̄venisse quod cūm cives Massili-  
lienes in fecus pacis convenienter cum  
eis, gravis ex parte dilecti filij nobilis viri  
Hugonis de Baucio querimonia fuit pro-  
posita contra eos, videlicet quod B. quon-  
dam domino Massiliæ viam universæ car-  
nis ingresso, cūm civitas Massiliensis ad  
nobilem mulierem B. filiam ejus jure nos-  
ceretur hereditario pertinere, cives ipsi  
Roncelinum fratrem dicti defuncti, mo-  
nachum & Subdiaconum, in Abbatem  
electum, cum impetu populari de mona-  
sterio extrahentes, lacerato ipsius habitu,  
consentientem & volentem, in suum &  
dictæ civitatis dominum non sine magna  
divina majestatis offensa & gravi præfata  
nobilis præjudicio assumperunt. Quam-  
obrem dictus Hugo de Baucio, qui sa-  
pefatam nobilem duxit legitimè in uxori-  
rem, prolémque suscepit ex ea, cum nobi-  
li viro W. de Baucio Principe Arausi-  
ensi germano suo memoratis Episcopis  
& nobis humiliter supplicavit ut cūm ipsi  
fideles existant Ecclesiæ ac devoti, & ad  
promotionem pacis juxta mandatum no-  
strum intendant viriliter & potenter, ei-  
dem Hugoni super adipiscenda hereditate  
uxoris suæ dignaretur Ecclesia subvenire.  
Cūm igitur occurrere debeat sedes apo-  
stolica præsumptionibus malignorum &  
eorum excessus pastorali sollicitudine co-  
hibere, discretioni vestrae per apostolica  
scripta mandamus atque præcipimus qua-  
tinus in dictos cives, ut memoratum Ron-  
celinum excommunicatum, apostamat,  
& perjurum, à dominio suo, quod contra  
proprium juramentum in contemptum  
Dei & fidei Christianæ opprobrium detin-  
net occupatum, prorsus amoveant, &  
supradictæ nobili hereditatem restituant,  
ut tenentur, per excommunicationis &  
interdicti civitatis & terra adipisci domi-  
nium pertinentis sententias, sublato eu-  
juslibet contradictionis & appellacionis  
obstaculo, sicut justum fuerit compellatis.  
Attentiūs provisuri ut sententias ipsas fa-  
ciatis in monasterio sancti Victoris appel-

**S**Edens iniquitas super talentum  
plumbi quosdam malitia perversi-  
tate gravatos tam miserabiliter in vio-  
rum ima depresso ut latentes cūm male  
fecerint, ac in rebus pessimis exultantes,  
ex quadam delinquendi consuetudine in  
tante prævaricatione devenere contem-  
put ut licet per multitudinem transgresio-  
nis excessus contra se non immerito pro-  
vocent iram Dei, ad Ecclesiæ tamen &  
ecclesiasticos viros, in reprobum sensum  
dati, manus extendere non formidant,  
ipsorum bona præsumptuosis ausib⁹ in-  
vadentes & dantes in direptionem & præ-  
dam. Credebamus sanè quod vexatio de-  
disset intellectum auditui, & nobiles regni  
Sicilia diutina tribulationis aculeus do-  
cuisset per justitiae semitam ambulare.  
Sed, quod dolentes dicimus, videntur  
eorum aliqui inter flagellarum malleos  
duruisse, dum eō minus ab illicitis absti-  
nent quod potius persecutionis acerbitas  
invalescit. Sicut enim venerabilis frater  
nostrus P. Militensis Episcopus graviter  
conquestus est coram nobis, nobilis vir  
Comes Amfus⁹, Ecclesia Militensi vacante,  
turrim ipsius, in qua confueverant  
esse campanæ, fraudulenter invadens, Co-  
miti R. fratri suo assignavit eandem: qui  
tan Episcopum ipsum quam Ecclesiæ  
suam intolerabili vexatione fatigans, do-  
mos episcopales & Canonicorum etiam  
& Clericorum Militenſium occupavit, il-  
las ad usum suum & suorum minus hone-  
stè quam deceat retinendo. Frumentum  
insuper, vinum, hordeum, & alia bona  
tam Episcopi quam Ecclesiæ capiens, ipsa  
pro sua voluntatis arbitrio dissipat & con-  
sumit, ac homines ejusdem Ecclesiæ in-  
debitis angariis & variis gravaminibus  
non definit molestare. Præterea Canoni-  
cos & Clericos Militenses sine causa ra-  
tionabili saepè capiens, quosdam tamdiu detinet  
carcerali custodia mancipatos donec ip-  
sos ad intollerabilem ferè redemptionem  
adducit. Dictus etiam Comes R. cūm  
quoddam castrum de novo construxerit,  
& homines Ecclesiæ nequirit inducere ut  
habitarent ibidem, caſale de Karna ad  
eandem Ecclesiæ pertinens dissipavit,  
eosdem homines de locis propriis expel-

*Epist. 111.*  
De protectione  
Episcopi Mil-  
tensis advenis  
Comitem Am-  
fusum.

lendo. Idem quoque Comes Amfusus, dum turrim predictam & Ecclesiam occupavit, pecuniam, equituras, frumentum, vinum, hordeum, & alia nonnulla violenter accepit, de quibus postmodum nullatenus satisfecit. Et in iis & multis aliis idem Comites usque adeo persequuntur memoratum Episcopum & affligunt ut suam Ecclesiam deferere sit coactus. Cum igitur haec & alia gravamina, quae idem Episcopus nobis exposuit, nolimus, quia non possumus, sub dissimulatione transire, fraternitati vestra per apostolica scripta districte praincipiendo mandamus quatinus inquisita super praemissis plenius & cognita veritate, predictos Comites moneatis attentius & efficaciter inducatis ut eidem Episcopo tam domos episcopales, Canonicorum, & Clericorum, & turrim jamiciam, quam alia que abstulisse noscuntur, sine difficultate qualibet restituant, ut tenentur, & permittant pacifice possidere, de damnis & injuriis irrogatis satisfacientes competenter eisdem. Alioquin ipsos per totam Calabriam & Siciliam auctoritate nostra denuntietis excommunicationis vinculo innodatos, & totam terram eorum ecclesiastico suppositam interdicto, facientes tam excommunicationis quam interdicti sententiam sublato appellationis obstaculo usque ad satisfactionem condignam inviolabiliter observari. Volumus insuper & mandamus ut generaliter indicere studeatis ut ad quamcumque terram interim venerantur idem Comites, divina officia eis praesertim nullatenus celebrentur. Quod si non ambo &c. alter vestrum &c. Datum Viterbij VIII. Kal. Septembri, anno decimo.

. . LONDONIEN. . HELIE N.  
& VVigornien. Episcopis.

Epi. 11.  
De causa Ar-  
cepiscopi  
Cantuarie  
ab eius Re-  
gno Angliae.

**I**llius testimonium invocamus qui testis est celo fidelis quod kar. in Christo fil. nostrum I. Regem Anglorum illum est sincerissima semper caritate dileximus, & usque adeo erga ipsum exuberavit nostra gratia plenitudo ut plures Principum in devotione sacrofanciae Romanae Ecclesiae non solum minus ferventes exiterint, sed quidam facti sint etiam indevoti. Si quando enim in eum vel regnum suum fragor turbationis invalluit, fides apostolica pia gestans viscera circa eum, potenter ipsum adjuvit, & in multorum invidiam à multis angustiis relevavit. Verum, quod dolentes referi-

mus, usque adeo gratiae nostrae se reddit ingratum ut nequaquam videamus eum beneficiis attraxisse, sed injuriis provocasse, cum nostris immo Dei dispositionibus se opponens, ea minus sano ductus consilio non formidet incipere quae in ejus possunt grave periculum redundare. Quae vero sint illa non credimus exprimenda, cum vobis sint magis nota quam nobis. Verum quamvis devotionem ipsius Regis valde nobis necessariam reputemus, non minus tamen, sed forsitan longe amplius extimare potest & debet nostram sibi gratiam opportunam, quemadmodum evidenter, si bene recolit, jam percepit. Sed ipse immemor omnium, jurisdictionem nostram non solum impedit, verum etiam evacuare conatur, licet nos suam numquam minuere, sed semper studuerimus defensare. Illudque potius deberet attendere, quod Principes illi qui libertatem ecclesiasticam impugnando, indebitam sibi super Ecclesias conati sunt arripere potestatem, divino judicio penitus defecerunt, qui vero sanctam Ecclesiam in sua libertate fovendo, digno venerant honore, de bono semper in melius prosperantur. Ceterum ad quem finem ex incepta possit persecutione venire nequaquam attendit: quia si finem prudenter attenderet, ab incepto procul dubio declinaret, cum praeter divinam offensam, nisi quantocius resipuerit, gravem sit incursum jaeturam; quia durum est ei contra stimulum calcitrare. Absit enim ut in tam iniquo proposito populus Anglicanus, qui vere Christianus existit & zelator fidei orthodoxae, contra Regem coelestem Regem sequatur terrenum, corporalia spiritualibus praferendo, cum non solum Clerici sed & laici tanta discretionis & devotionis existant ut norint & velint distinguere inter illa quae reddenda sunt Cæsari & ea quae reddenda sunt Deo. Cum igitur honori suo pariter & saluti vix credamus hoc tempore posse utilius provideri quam ut Cantuariensis Ecclesia tales Pontificem habeat qui fama, scientia, & vita præclarus, ad ea qua Dei sunt eum documentis provocare valeat & exemplis, ac tota sibi mentis affectione cohærens, sanum ei consilium circa spirituales & temporales utilitates impendat, quoniam haec in venerabili fratre nostro S. Cantuariensi Archiepiscopo S. R. E. Cardinali novimus convenire, licet mo- Vide Mar-  
thæum Parisi,  
ad an. 1207. &  
1208.